

新脩麻陽縣志 第 函

新脩麻陽縣志

卷一

序

新修麻陽縣志卷之九

列女志

天地精淑之氣鍾於男則爲忠爲義鍾於女則爲節
爲烈蓋節烈與忠義並重尤爲人所難能彼安常處
順處偕老歌倡隨者無論已至於家遭不造人稱未
亡克奉白頭撫黃口以青年而矢志終皓首而全貞
者其操持固何如耶他如誓志殉夫望門守節以及
時遭禍亂不辱其身突遇暴強莫污其體者或翦金
自盡毀耳盟心或投井戕生薰香紿寇凡此奇特之

行雖鬚眉亦有所難及今竟於巾幗中得之故備載
於志以存兩間之正氣而闡一邑之幽光更以維持
世教於不敝已

節婦

明

聶賈氏成妻年二十五夫歿無子誓不再適撫育義
女共勤紡績以自給女長納婿相依始終如
一歷節四十餘年

滿滕氏永洪妻年二十二夫歿無子累日不食悲泣

幾死以節自誓堅操不渝歷節五十五年

符聶氏生員節妻貢生謨女年二十二而寡夫臨終

時囑令再適以亂命不從縞衣素食紡績自

資撫育遺女畫夫像於壁對之哀毀久而成

疾年四十九歲卒常曰士女閨範可自負耶

闕孫氏永聰妻年二十四夫歿親戚鄰里以無嗣且

貧諷之氏曰吾不爲禽獸之無恩義也遂斷

髮誓以泉壤相期艱苦備嘗卒完節遂志壽

至八十九歲

田張氏永嵩妻年二十一而寡遺孤襁褓氏痛欲殉
嫂以存孤釋之後撫孤得成立娶婦生孫乃
孤復亡又撫孫以終其身居平非女流不接
非大事不踰閭邑令楊泰給匾獎之年至七
十八歲

田舒氏祖軒妻年二十三祖軒疾劇未嘗生子以父
母無養爲慮氏曰翁姑吾父母也君何憂曰
能如此吾目瞑矣遂歿氏誓不再適治麻枲
畜雞豚以供二老生事死塋皆賴焉氏弟相

爲廣西貴縣令憐其孤苦敬其節操迎養於
家卒年六十

滕張氏勝鸞妻年二十夫歿遺腹生一子堅持節撫
孤成立以織紉自給鄰里親黨絕不往來嘉慶
四十二年邑令周文奉檄立貞節坊題句旌
之

李張氏思乾妻年二十夫歿無子誓死不二備嘗荼
苦歷六十載萬歷三十八年郡縣以事上院
道俱旌異之有貞能砥柱節傲冰霜錦水揚

清諸匾額

張陳氏文舉妻年少矢節年六十終有司表其閭

國朝

孫舒氏生員芳枝妻年二十五夫歿無子家貧苦守
敬事翁姑勤於紡績雖瘠饑堅節不渝順治
十五年氏年六十邑令張瑞麟聞之將廉其
事實以請旌氏泣曰夫死不嫁禮也名非吾
願固辭之卒年八十二歲

張陳氏可信妻康熙十二年氏年二十一而寡遺腹

生子問仁甘貧守志孝事繼姑歷節五十有五年

陸氏生員仁妻年二十夫歿遺子一聰甫週歲矢志守節奉姑撫子一聰年十五遊於庠後十餘年一聰又亡遺孫八齡撫鞠孤孫與孀媳相倚備嘗艱苦貞操凜然

滿張氏世聲妻康熙二十七年夫歿氏年二十七矢志守節翁姑病篤焚香默禱願以身代及其卒也哀禮兼盡督課三子並列膠庠歷節三

十年邑令丁育果上其事雍正四年奉

旨旌表

左蔣氏副榜天相妻年二十五而寡遺孤方二歲守節撫子誓志靡他天相弟師相亦早亡弟婦楊氏亦堅貞自矢娣姒相依森如霜柏邑令題額表之

龔喻氏監生麗天妻年二十夫歿奉孀姑聶氏敬養二十載誓志撫孤孝節兼備

張田氏可棟妻適張三載夫歿年十九孝養翁姑撫

教遺子每於夫靈前篝燈紡績課讀不休淑
慎溫和不尤好施濟守節四十五年邑令胡天
昇上其事乾隆八年奉

旨旌表

向龍氏自達妻年十七夫歿無子堅志誓守茹苦靡
他力勤紡績以供翁姑朝夕身肩百瘁晚節
彌艱歷節三十五年邑令胡天昇上其事乾
隆十五年奉

旨旌表

龔張氏造極妻年二十五而寡遺孤甫數月砥節奉
姑撫教遺子世熙列於庠子婦滕氏婚未一
載而熙亦歿滕年甫十八未有子欲自盡張
泣解之以姪思旦思發爲嗣後旦成諸生發
入太學張歷節五十七年滕歷節三十七年
邑令楊甘雨並上其事乾隆二十年俱奉

旨旌表

張勝氏世位妻適張一載世位販於浦市嬰疾歿氏
年二十迎喪歸塋痛哭絕粒翁姑慰解之越

兩月遺腹生子朝鼎甘貧盡孝矢志撫孤艱
苦備嘗歷節三十五年邑令秦鏞上其事乾隆二十三年奉

旨旌表建坊

聶楊氏生員聖脩妻年二十四夫歿遺孤御天甫週
歲時當苗亂備歷諸艱孝慈兼盡後御天亦
早亡遺孫城纔三歲子婦田氏年二十八善
承姑志清節相依撫教孤子城成立爲邑諸
生姑媳皆好善樂施曾於縣西之楠木村渡

口買田數畝建置渡船以濟行旅後子孫寢
盛人以爲食報云楊歷節七十三年田歷節
五十五年

聶楊氏贊天妻康熙庚申吳逆亂兵騷擾氏從夫奉
翁姑挾四月乳雛走匿龍旂山夫尋病歿氏
年二十六流離委頓慘不可言自誓砥節撫
孤兵走歸家孝慈兼盡子孫皆以詩書孝友
世其家歷節五十五年

張陰氏世齊妻年二十六夫歿遺腹生子輝壁守節

撫子學博楊振鉉題額表之歷節六十一年

田李氏我名妻適田七載夫歿年甫二十五載敬事

翁姑撫孤成立脩補橋路樂善不倦歷節五

十六年

張向氏元吉妻年二十六夫歿矢撫遺孤甘貧食苦

守志不渝年至八十以節壽著

張向氏武玉妻年二十而寡藐孤子遺誓志撫鞠底

於成立堅節至老

劉田氏任重妻年二十二而寡上奉老姑下撫遺稚

堅苦自持完節以老

李舒氏興華妻年二十五而寡守節撫孤甘苦盡孝
性好施予紡績所餘粒米寸絲悉助義舉

張郭氏先朝妻年二十四朝歿遺孤隨天氏痛極引
刀自剗老姑強止之以弟先睿次子一謀爲
嗣盡心撫教口授孝經論語毛詩諸書久之
弟睿亦歿弟婦鄧年二十六與郭相依奉姑
撫子家本寒素勤紡績以養姑姑病妯娌二
人每夜焚香拜禱迨姑卒一謀繼亡郭意屬

三子一聰未及言鄧知之謂郭曰伯於吾夫
兄弟也弟有子忍兄無嗣乎又以一聰嗣於
郭學博李治曾詩頌之

田龍氏聰妻年二十而寡遺孤觀國子無所依截髮
誓守備極艱瘁撫教觀國爲郡諸生

聶趙氏現妻年十九夫故氏投繯欲殉者再家人慰
解之乃矢節撫孤家貧苦日勤紡績拾薪易
米以炊子日聰後列於庠

董孫氏邑庠生步翰妻年二十一夫故子歿撫夫弟